

ք.Երևան

«19» նոյեմբերի 2021թ.

Հայաստանի Հանրապետությունը՝ ի դեմս Քաղաքացիական ավիացիայի կոմիտեի գլխավոր քարտուղար Միքայել Զալինյանի, որը գործում է Քաղաքացիական ավիացիայի կոմիտեի կանոնադրության հիման վրա (այսուհետ՝ Պետական մարմին), մի կողմից, և ««Սյունիք» օդանավակայան» ՍՊԸ-ն՝ ի դեմս տնօրեն Կարեն Վարդանյանի, որը գործում է ««Սյունիք» օդանավակայան» ՍՊԸ կանոնադրության հիման վրա (այսուհետ՝ Կազմակերպություն), մյուս կողմից, հիմք ընդունելով ՀՀ կառավարության 2021թ. նոյեմբերի 11-ի թիվ 1866-Ն որոշումը՝ կնքեցին սույն պայմանագիրը հետևյալի մասին.

1. Պայմանագրի առարկան

1.1. Սույն պայմանագրով Պետական մարմինը ՀՀ կառավարության 2021թ. նոյեմբերի 11-ի՝ «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքում վերաբաշխում, փոփոխություններ ու լրացում, Հայաստանի Հանրապետության կառավարության 2020 թվականի դեկտեմբերի 30-ի N 2215-Ն որոշման մեջ փոփոխություններ ու լրացումներ կատարելու և Հայաստանի Հանրապետության տարածքային կառավարման և ենթակառուցվածքների նախարարությանը գումար հատկացնելու մասին» թիվ 1866-Ն որոշման (այսուհետ՝ Որոշում) համաձայն ««Սյունիք» օդանավակայան» սահմանափակ պատասխանատվությամբ ընկերությանը՝ կրած վնասների, կուտակված պարտավորությունների մարման նպատակով տրամադրում է 49,508,800 (քառասունինը միլիոն հինգ հարյուր ութ հազար ութ հարյուր) ՀՀ դրամ գումար դրամաշնորհային գումար:

2. Կողմերի իրավունքներն ու պարտականությունները

2.1. Պետական մարմինը պարտավորվում է Կազմակերպությանը տրամադրել սույն պայմանագրի 1.1 կետում նշված դրամական միջոցները մինչև 2021 թվականի նոյեմբերի 26-ը: Դրամական միջոցները տրամադրվում են Կազմակերպությանը անկանխիկ՝ Կազմակերպության բանկային հաշվեհամարին փոխանցելու միջոցով:

2.2. Սույն պայմանագրի շրջանակներում Կազմակերպությունը իրականացնում է Որոշմամբ սահմանված ֆինանսական պարտավորությունների մարման գործընթաց՝ իր գործունեության բնականոն ընթացքը ապահովելու նպատակով:

2.3. Պետական մարմնի կողմից տրամադրված դրամաշնորհի գումարը կամ դրա մի մասը Կազմակերպության կողմից Որոշմամբ սահմանված նշանակությանն անհամապատասխան կամ ոչ նպատակային օգտագործման դեպքում կատարվում է դրամաշնորհի գումարի հետգանձում ՀՀ օրենսդրությամբ սահմանված կարգով:

2.4 Պետական մարմինը իրավասու է ցանկացած ժամանակ (այդ թվում՝ լիազոր մարմնի միջոցով) ստուգելու Կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը:



2.5. Կազմակերպությունը պարտավոր է.

2.5.1. Սույն պայմանագրի 1-ին կետով սահմանված դրամական միջոցները ծախսել ՀՀ կառավարության 2021թ. նոյեմբերի 11-ի թիվ 1866-Ն որոշմամբ նախատեսված նպատակներին համապատասխան:

2.5.2. Վարել տրամադրված դրամական միջոցների օգտագործման բոլոր գործառնությունների առանձնացված հաշվառում ՀՀ օրենսդրությամբ սահմանված կարգով:

2.5.3. Սույն պայմանագրի շրջանակներում Պետական մարմին ներկայացնել միջոցառումների իրականացման մասին հաշվետվություններ, իսկ միջոցառման ավարտից հետո՝ ամփոփ հաշվետվություն:

2.5.4. Կազմակերպությունը պարտավոր է 2022թ. հունվարի 28-ի դրությամբ նախատեսված նպատակներով չօգտագործված գումարները վերադարձնել ՀՀ պետական բյուջե:

2.5.5. Կազմակերպությունը պարտավոր է մինչև 2022թ. փետրվարի 28-ը սահմանված կարգով Պետական մարմին ներկայացնել տեղեկատվություն վերջինիս տրամադրված դրամական միջոցների օգտագործման վերաբերյալ, ինչպես նաև ծրագրի իրականացման արդյունքներով չօգտագործված և պետական բյուջե վերադարձված գումարների մասին:

3. Անհաղթահարելի ուժի ազդեցությունը (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և/կամ արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով սահմանված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

4. Այլ պայմաններ

4.1. Սույն պայմանագիրն ուժի մեջ է մտնում ստորագրման պահից և գործում է մինչև 2022 թվականի մարտի 1-ը:

4.2. Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

4.3. Սույն պայմանագրի փոփոխությունները և լրացումները կատարվում են կողմերի ստորագրությամբ՝ գրավոր համաձայնագիր կնքելու միջոցով:



4.4. Սույն պայմանագրով չկարգավորված հարաբերությունների նկատմամբ կիրառվում են պայմանագրի կնքման պահին գործող ՀՀ օրենսդրության պահանջները:

5. Կողմերի հասցեները, վավերապայմանները և ստորագրությունները

Պետական մարմին

Քաղաքացիական ավիացիայի կոմիտե
Հասցե՝ ք. Երևան-42,
«Ջվարթնոց» ՕԿ, Ինդեքս 0042
ՀՀ ՖՆ գործառնական վարչություն
Հ/Հ թիվ 1 սոգք 900011038719
ՀՎՀՀ՝ 01204231

Քաղաքացիական ավիացիայի կոմիտեի
գլխավոր քարտուղար


Ս. ԶԱԽՆՅԱՆ
(ստորագրություն)


Կազմակերպություն

««Սյունիք» օդանավակայան» ՍՊԸ
Իրավ. Հասցե՝ ՀՀ Սյունիքի մարզ,
ք. Կապան, Հ.Ավետիսյան փ. 22Ա շենք,
Գործ. հասցե՝ Կապան համայնք,
Գաղթական 70
Ամերիաբանկ ՓԲԸ
Հ/Հ 1570026109520100
ՀՎՀՀ՝ 09425652

««Սյունիք» օդանավակայան» ՍՊԸ
տնօրեն


Կ. ՎԱՐԴԱՆՅԱՆ
(ստորագրություն)
